

*versæ*) saxa in Hildesheimio, Agricola.  
Vide infrà cap. 10.

Vitrea specie nascitur gemma Belus dicta in Arbelis, nucis iuglandis magnitudine, Plinius.

*DE REBUS ARTIFICIOSIS seu arte factis, ex metallis, lapidibus ac gemmis. Cap. VI.*

**D**E rebus fossilibus quæ natura similes sint rei alicui artificiosæ, præcedenti capite dictum est: in hoc verò de artis operibus quæ ab homine fiunt ex metallo, lapide, aut gemma dicemus: sed paucis duntaxat, & speciminis gratia: omnia enim persequi nimis prolixum foret. Sequemur autem hîc quoq; literarum ordinem.

*A.* Ad ædificia & structuras lautiores adhibentur Marmora diuersa, præcipuè ad columnas, & incrustandos parietes, & sepulchra, &c. Marmora (inquit Agricola) non habent singu-